

De altera Eucharistiae materia.

45

, jungit, & ait: In benedictione quoque Jude hoc idem significatur.... Lavabit in vino stolam suam, & in sanguine uvae amictum suum. Quando autem sanguis uvae dicitur, quid aliud, quam vinum Calicis Domini sanguis ostenditur? Denique ex similitudine baptismatis sic S. Doctor prosequitur: Nec argumentis plurimis opus est, ut probemus, appellatione aquæ, baptismus semper significatum esse, & sic nos intelligere debere, cum Dominus adveniens baptismi, & Calicis manifestaverit veritatem, qui aquam illam fidelem preceperit in baptismo dari, calicem vero docuerit exemplo magisterii sui vini, & aquæ coniunctione miseri. Il. probatur ex Scripturis novi Testamenti, secundum eundem S. Martorem Cyprianum; prout eum adducit, & ait Jueninus citato loco. Quod si, inquit, nec minima de mandatis Dominicis licet solvere: quanto magis tam magna, tam grandia, tam ad ipsum Dominicæ passionis, & nostræ redemptionis Sacramentum pertinencia, fas non est infringere, aut in aliud, quam quod divinitus institutum sit, humana traditione mutare. Nam si Jesus Christus Dominus, & Deus noster ipse est Summus Sacerdos Dei Patris, & sacrificium Deo Patri ipse primus obtulit, & hoc fieri sui commemorationem præcepit; utique ille Sacerdos vice Christi vere fungitur, qui id, quod Christus fecit, imitatur. Et sacrificium verum, & plenum tunc offert in Ecclesia Deo Patri, si sic incipiat offerre, secundum quod ipsum Christum, videat, obtulisse. Quibus verbis haec addit Jueninus: S. Doctor confutat omnia argumenta, quibus meticuloſi Sacerdotes, quos exigitat, sua praxi quærebant præsidium. Contendebant se, cum vita periculo, non teneri vinum ad Eucharistiam adhibere. Ignaviae vero tribuit illam excusationem, atque, periculoſo esse fidelibus exemplo, sic ergo incipit, & a passione Christi in persecutionibus fraternitas retardari, dum in oblationibus dicit, se sanguine ejus, & cruento consundi. Opponit, quas Christus, in Evangelio, ignavis minas intendat, Porro autem Dominus in Evangelio suo dicit, qui confusus me fuerit, confundet cum filius hominis. Definit, iis qui sic

agunt, periculum imminere perniciandi fidem, si postea coram Tyranno evocentur. Quomodo autem possimus propter Christum sanguinem fundere, qui sauginem Christi erubescimus bibere?

III. probatur ex Concilis. Concilium Cartaginense III. Habitum 397. cap. 24. Ut in Sacramento, inquit, corporis & sanguinis Domini nihil amplius offeratur, quam ipse Dominus tradidit, hoc est, panis, & vinum aqua mixtum. Concilium Trullanum celebratum 992. can. 32. Si quis ergo Episcopus, vel Presbyter, non secundum ordinem ab Apostolis traditum facit, & aquam vino miscens, sic immaculatum offert sacrificium, deponatur, ut imperfete mysterium enuntians, & quæ tradita sunt innovans. Concilium Bracharense IV. anno 675. cap. 2. Concilium Aurelianense IV. anno 541. can. 4. Concilium Triburiense anno 895. can. 19.

IV. probatur ex Patribus Græcis. Iustini Apologia 2. Precibus finitis, munus nos osculis salutamus. Deinde ei, qui fratribus praef. offertur panis, & poculum aquæ, & vini. Iræenus lib. 4. aduersus heres. cap. 33. alias 57. Accipiens Dominus panem, suum corpus esse confitebatur, & temperamentum Calicis suum sanguinem confirmavit. Chrysostomus in Liturgia, quæ illius nominis inscribitur. Deinde facit commixtionem in Calicem, mittens vinum, & aquam &c.

V. probatur ex Patribus Latinis. Augustinus heres. 64. loquens de Hæreticis, qui dicti sunt Aquarii hæc scribit: Aquarii ex hoc appellati sunt, quod aquam offerunt in poculo Sacramenti, non illad, quod omnis Ecclesia. Eucherius Lugdunensis hom. 5. de Pascha. Quando benedicenda verbis cœlestibus creaturae sacris Altaribus impoenuntur, antequam invocatione summi nominis consecrentur, substantia illic est panis, & vini: post verba auctem Christi, Corpus, & Sanguis est Christi. Quid mirum autem est, si ea, qua verbo creare potuit, possit creativa convertere? Imo jam minoris videtur esse miraculi, si id, quod ex nihilo agnoscitur condidisse, jam contum in melius valeat commutare. Eligius hom. 8. Et nos, qui vere sub mysterio carnem, & Sanguinem corporis ejus sumimus, per ea natu-

rali-